

- Ex his sextarium sanxi tibi ferre bibendum,
 735 Dulcius ac melius nec habet scrutarier ullus,
 Quod curas abigit, quod linguae verba ministrat,
 Morbos avertit, metuenda pericula pellit.
 Trevirici calices quos non fecere loquaces?
 Indiciis certis portavi dona salutis.'
- leo vulpi.
- 740 'Tradere si cuperes, non tanta pericula ferres,
 Debitor es meriti, pro tanti pondere facti.
 Crimina lingua lupi concusserat ore bilingui,
 Hic crucis exitium properabat figere dirum,
 Furcifer ecce jacet, non sit qui tollere curet.
 745 Hanc meruit poenam, vitasti denique culpam.'
- vulpes.
- 'Audit quod non vult, qui pergit dicere quod vult.'
- leo.
- 'Demiror pardum nostrum rarescere visum.'
- vulpes.
- 'Ne turbere pater, veniet mox advena frater,
 Cujus ad ingressum pelletur quodque nocivum.'
- leopardus.
- 750 'Quod mora sit fratris, stillis perfundor acerbis;
 Si forsitan periit, melior se nemo remansit,
 Dispar comparibus, verax psalmista probatur,
 Sobrius, armipotens, castus, moderamine pollens.
 Cautior est homine, prudentior hic Salomone.'
- vulpes.
- 755 'Si redeat, visam decet en te poscere mensam.'
 Vulpes ire parat, caudam versuta regirat,
 Ut proposito pardo, signum facit haec leopardo.
 Congreditur querum, cui sciverat adfore pardum.

739 inditus A. 759 wieder lepus für leopardus. 758
 ciuerat A. 759 talem schalte ich ein. proferre A.